



Broj: 02-04-3-2519/24
Goražde, 20.11.2024. godine

Na osnovu člana 70. stav 1. i 3. i člana 72. stav 3. tačka a) Zakona o javnim nabavkama ("Službeni glasnik BiH" br.39/14, 59/22, 50/24) u postupku javne nabavke – otvoreni postupak za dostavljanje ponuda za nabavku i isporuku peleta za grijanje za potrebe Grada Goražda, Gradonačelnik Grada Goražda donosi:

O D L U K U

o izboru trećerangiranog ponuđača u postupku javne nabavke – Nabavka i isporuka peleta za grijanje za potrebe Grada Goražde

I

Ovom Odlukom se ugovor o nabavci i isporuci peleta za grijanje za potrebe Grada Goražda dodjeljuje trećerangiranom ponuđaču „Zlatar šped BH” d.o.o Višegrad u svemu prema ponudi navedenog ponuđača broj 146/24 od 09.08.2024. godine.

II

Cijena ponude ponuđača „Zlatar šped BH” d.o.o Višegrad, nakon završene e-aukcije iznosi 44.900,00 KM bez PDV-a (slovima: četrdesetčetrihiljadedevetstotina KM).

III

Trećerangirami ponuđač je u skladu sa uslovima iz tenderske dokumentacije, dužan na adresu ugovornog organa u roku od 7 dana od dana zaprimanja ove odluke dostaviti ugovornom organu, original ili ovjerene fotokopije dokaza o ispunjavanju uslova u pogledu lične sposobnosti iz člana 45. i 47. Zakona o javnim nabavkama.

IV

Ova Odluka će se objaviti na web stranici Gradske uprave Goražde www.gorazde.ba sa istovremenim upućivanjem ponuđačima koji su učestvovali u postupku javne nabavke u skladu sa članom 70. stav 3. Zakona o javnim nabavkama.

V

Ovom odlukom stavlja se van snage odluka o prihvatanju ponude ponuđača „Vladrag“ d.o.o. Mokro za nabavku i isporuku peleta za grijanje za potrebe Grada Goražda broj 02-04-3-2519/24 od 18.11.2024. godine.

O b r a z l o ž e n j e

Gradonačelnik Grada Goražda je dana 22.07.2024. godine donio Odluku o pokretanju postupka javne nabavke peleta za grijanje za potrebe Grada Goražde broj 02-04-3-2519/24 putem otvorenog postupka.

Na osnovu navedene odluke Obavještenje o nabavci broj 413-1-1-59-3-62/24 objavljeno je na portalu javnih nabavki dana 23.07.2024. godine, sažetak Obavještenja o nabavci objavljen je u „Službenom glasniku BiH” broj 51/24.

Na osnovu pomenutog obavještenja proveden je postupak prikupljanja i otvaranja ponuda što je konstatovano u zapisniku sa otvaranja ponuda od 14.08.2024. godine.

U predviđenom roku za dostavljanje ponuda do 14.08.2024. godine do 11:00 sati, ponude za nabavku i isporuku peleta za grijanje za potrebe Grada Goražda su dostavili sljedeći ponuđači: „LAMBERJACK“ d.o.o. Sarajevo, „T&L“ d.o.o. Sarajevo, „ENSA“ d.o.o. Srbac, „DOMIKS“ d.o.o. Foča, „VLADRAG“ d.o.o. Mokro-Sokolac, „EURO-STIL“ d.o.o. Doboj, „MIŠOPROMET“ d.o.o. Rogatica, HIFA-PETROL“ d.o.o. Vogošća-Sarajevo, „ZLATAR ŠPED BH“ d.o.o. Višegrad i „ALMY“ d.o.o. Zenica.

Komisija za provođenje procedure javne nabavke je izvršila pregled i ocjenu ponuda i konstatovala da ponude ponuđača Hifa petrol“ d.o.o. Vogošća-Sarajevo, „VLADRAG“ d.o.o. Mokro-Sokolac i „ZLATAR ŠPED BH“ d.o.o. Višegrad ispunjavaju formalno pravne uslove za učešće, uslove u pogledu lične situacije i sposobnosti za obavljanje profesionalne djelatnosti, ekonomsko-finansijske situacije kao i tehničke i profesionalne sposobnosti ponuđača, što je navedeno u zapisniku o pregledu i ocjeni ponuda, shodno čemu je zakazana e-aukcija za dan 21.08.2024. godine. Nakon završene e-aukcije na konačnoj rang listi ponuđača koji su učestvovali u e-aukciji, prvorangirana ponuda u skladu sa kriterijem “najniža cijena” je ponuda ponuđača “HIFA-PETROL” d.o.o. Sarajevo, dok je drugorangirana ponuda ponuđača “Vladrag” d.o.o. Mokro.

U skladu sa navedenim i preporukom Komisije za provođenje predmetnog postupka javne nabavke, Gradonačelnik Grada Goraža je donio Odluku o prihvatanju ponude ponuđača “HIFA-PETROL” d.o.o. Sarajevo za nabavku i isporuku peleta za grijanje za potrebe Grada Goražde. Navedena Odluka i Obavijest o rezultatima postupka javne nabavke je dostavljena ponuđačima koji su učestvovali u ovom postupku javne nabavke. Ponuđač „Lumberjack“ d.o.o. Sarajevo je uložio žalbu na pomenutu Odluku ugovornog organa koja je Rješenjem Ureda za razmatranje žalbi broj JN2-03-07-1-2573-6/24 od 18.10.2024. godine odbijena kao neosnovana.

Nakon okončanja postupka po izjavljenoj žalbi ugovorni organ je najuspješnijem ponuđaču „HIFA-PETROL“ d.o.o. Sarajevo dana 08.11.2024. godine, na potpis i ovjeru dostavio odgovarajući okvirni sporazum o nabavci i isporuci peleta za grijanje za potrebe Grada Goražde. Dana 15.11.2024. godine putem e-pošte ugovorni organ je od strane odabranog ponuđača „HIFA-PETROL“ d.o.o. sarajevo obavješten da zbog ekonomskih razloga nisu u mogućnosti potpisati dostavljeni Okvirni sporazum o nabavci i isporuci peleta za grijanje za potrebe Grada Goražda broj 02-04-3-2519/24.

Nakon dostavljanja obavijesti od strane ponuđača „HIFA-PETROL“ d.o.o. Sarajevo, dana 18.11.2024. godine od strane ugovornog organa donesena je Odluka o izboru drugorangiranog ponuđača „Vladrag“ d.o.o. Mokro u postupku javne nabavke – Nabavka i isporuka peleta za grijanje za potrebe Grada Goražde.

Izabrani ponuđač je putem e-pošte dostavio obavijest da zbog smanjenih kapaciteta u proizvodnji nisu u mogućnosti potpisati ugovor o isporuci peleta.

Shodno navedenom čemu je u skladu sa članom 72. stav 3. tačka f) Zakona o javnim nabavkama odlučeno kao u dispozitivu ove odluke.

POUKA O PRAVNOM LIJEKU: Protiv ove odluke može se izjaviti žalba u roku od 10 dana od dana prijema iste. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom, u najmanje tri primjerka.

Uz žalbu je potrebno dostaviti dokaz o plaćenju naknadi za pokretanje žalbenog postupka.

DOSTAVITI:

- ① Ponuđačima,
2. u spis,
3. a/a

